



08.02.2012 թ.

Փետրվարի 4-ը պատմական օր է

2011 թվականի փետրվարի 4-ը հիշվելու է որպես շրջադարձային օր, վերահաստատվեց հայոց ոգու անպարտելիության թեզը: Մշակութային բաժանումները չկարողացան խոչընդոտել Հայոց քաղաքակրթության վերահաստատման ընթացքը. մեր տեսակը վերահաստատվեց, հայը նույն արժեքահամակարգի կրողն է:

Ապագա պատմաբանները 2011 թվականի փետրվարի 4-ը կարող են կոչել որպես մի օր, երբ հայը անդարձելիորեն վերագտավ իր ուժերը: Այս անգամ Հայոց աշխարհը, կարծես թե, ներքին մերժման ճանապարհով չի ընթանում, ինչը կարող է հսկայական գաղափարական, քաղաքական եւ տնտեսական կուտակման լծակ դառնալ ողջ հայության համար:

Մեկ տարվա ընթացքում Արեւմտյան Հայաստանի Վտարանդի Կառավարությունը տարբեր որոշումներ ընդունեց, որոնց մեջ կար մեկը` Ուղերձը, «Մենք հայ ենք, հավատարիմ ազգային ու համամարդկային բոլոր իդեալներին եւ վճռական ենք ապրելու այդ քաղաքակրթական չափանիշներով` ինչպես հիմա, այսօր, այնպես էլ ապագայում»:

Ումանք Արեւմտյան Հայաստանի Ազգային Խորհրդի կողմից Արեւմտյան Հայաստանի Վտարանդի Կառավարության գործնաթացի քայլերը համարեցին պատվեր, մյուսները հավակնոտ, իսկ մի ահռելի զանգված մնաց անտարբեր:

Սակայն, այս մոտեցումները չեն կարող կանխել մեր ընթացքն ու հզորացումը:

Մենք գիտենք, որ միջազգային հարաբերություններում ընկալումներն ավելի շատ են հաշվի առնվում, քան գոյություն ունեցող իրողությունները, ուստի` մեր աշխատանքներն իրականացնելիս, հավատարիմ մնալով իրավական – քաղաքական ու քաղաքակրթական մեր համոզումներին, միաժամանակ հաշվի ենք առնում նաեւ այդ իրականությունն ու միջազգային ընկալումները:

Հարգելի հայրենակիցներ, մենք հստակ վերաբերմունք ունենք Արեւմտյան Հայաստանի քաղաքացիների հանդեպ, նաեւ նրանց, ովքեր դեռ չեն միացել մեզ, հստակ գիտակցում ենք մեր լիազորությունների եւ իրավունքների սահմանը եւ պատասխանատու ենք մեր գործունեությամբ` Հայոց պահանջատիրության խնդրի հետ կապված:

Եւս մեկ անգամ շեշտենք, թե մենք ներկայացնում ենք Արեւմտյան Հայաստանի հայերի շահերը եւ որեւէ ձեռով կապված չենք ռուսական դաշտում ձեւավորված «Արեւմտահայոց» քաղաքական գործունեություն հետ: Այո, Արեւմտյան Հայաստանի Ազգային Խորհուրդը, պետք չէ շփոթել Արեւմտահայոց Համագումարի հետ, որովհետեւ դրանք տարբեր նպատակներ հետապնդող տարբեր ձեւաչափեր են: Մասնավորապես, Արեւմտյան Հայաստանի Ազգային Խորհրդի ծրագրի ձեւաչափը Արեւմտյան Հայաստանի հայերի, որպես բնիկ ժողովուրդ, սեփական հայրենիքում ինքնիշխան պետություն ունենալու իրավունքն է` ԱՄՆ 28-րդ նախագահ Վուդրո Վիլսոնի կայացրած Իրավարար վճիռը եւ Մեւրի դաշնագիրը: Արեւմտահայոց Համագումարի ծրագրի ձեւաչափը արեւմտահայոց եւ Թուրքիայում ապրող հայ փոքրամասնության քաղաքացիական, կրոնական եւ այլ տեսակի

իրավունքներն են՝ Լոգանի դաշնագիրը եւ այդ նույն նշանակության հարակից այլ իրավական ակտեր ու որոշումներ:

Մեր ամեն քայլ ուղղված է նաեւ նորաստեղծ կառավարության շուրջ նոր մարդիկ ընդգրկելուն: Որպէս առաջին քայլ, այս ուղերձով անմիջապէս հրավիրում ենք Ձեզ՝ մասնակցելու կառավարության աշխատանքներին՝ Ձեր ողջ կարողություններով: Մենք պատրաստ ենք համագործակցելու յուրաքանչյուր հայի հետ, ում մտահոգում է Արեւմտյան Հայաստանի հայի եւ Արեւմտյան Հայաստանի ապագան:

Ոմանք կարծում են, թէ իրենք դուրս են մնացել աշխատանքներից եւ նախնորել են կրավորական կեցվածք, ոմանք նայում են կասկածանքով, մյուսներն էլ՝ թերահավատությամբ: Սակայն վաղ, թէ ուշ բոլորն էլ պետք է միանան Արեւմտյան Հայաստանի Ազգային Խորհրդին եւ Արեւմտյան Հայաստանի Կառավարությանը: Այլընտրանք չկա: Հարկավոր է ընդամենը առաջին քայլը կատարել, համագործակցել: Որովհետեւ միայն առողջ համագործակցության միջոցով կարող ենք ապահովել բոլորիս բավարարող արդյունքներ:

Արեւմտյան Հայաստանի Վտարանդի Կառավարությունը, հիմնադրման օրվանից առ այսօր իրականացնում է միայն եւ միայն այնպիսի աշխատանքներ, որոնք անցնում են հստակ ընթացակարգ: Շտապողականությունը, ընդհանրապէս, հարիր չէ Արեւմտյան Հայաստանի Վտարանդի Կառավարությանը, սակայն գոյություն ունի մի իրավիճակ, երբ դանդաղելը հավասար է ինքնառչնչացման:

Արեւմտյան Հայաստանի Ազգային Խորհուրդը եւ Արեւմտյան Հայաստանի Վտարանդի Կառավարությունը միտված է վերացնելու նաեւ այն սխալները, որոնք հիմքային են հայոց ընկալումներում:

**Արեւմտյան Հայաստանի Վտարանդի Կառավարության
Արտաքին գործերի հանձնախմբի պատասխանատու՝
Արամ Մկրտչյան**

Արեւմտեան Հայաստանի Ազգային Խորհուրդ
stat.gov.wa@haybachdban.org